



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput IV. Ex Concilio (a) Lateran.

[urn:nbn:de:hbz:466:1-74526](#)

byteri scilicet sacerdotes) fruantur suis rebus, ministri Eccles. audent balnea, unguentia non spernunt, & in omnium flore versantur. Ad quod & ante respondi, & nunc breviter respondeo, *magis in presenti non de clericis disputare, sed monachum instituere.* Nec aliquid facit textus in d. l. cupa: nam procedit in scientia damnata, cuius studium aequaliter in au-

diente, ac in legente prohibetur. Manet ergo, quod licet monachis, & clericis in praesenti prohibeatur audire leges, aut Physicam, non tamen illis prohiberi cas publice docere, & multo magis illis prohibitum non esse privatum studere, & eas discere, unde faciliter dissolvuntur supra adducta pro dubitandi ratione.

C A P U T IV.

Ex Concilio (a) Lateran.

Sed nec (b) procurations villarum, aut jurisdictiones etiam sacerdotes sub aliquibus Principibus, & sacerdotalibus viris, ut (c) iustitiarii eorum fiant, clericorum quisquam exercere presumat. Si quis autem adverlus hoc venire tantaverit, quia contra doctrinam Apostoli dicentes: Nemo militans Deo, implicat se sacerdotalibus negotiis; sacerdotaliter agit, ab ecclesiastico fiat ministerio alienus, pro eo quod officio clericali neglecto fluctibus sacerdotali, ut potentibus placeat, se immergit. Districtus autem decernimus puniendum, si religiosorum quisquam aliud predicatorum auctoritate fuerit attentare.

N O T A E.

1. (a) *[Lateran.]* Ita etiam legitur in prima collectione, sub hoc iiii. cap. 3. & quamvis Boëtius Epon. in praesenti affirmet, non reperi tex-
tum hunc in Concilio generali Lateran., & ita tan-
tum auctoritatem habere ex eo, quia compilatus
reperitur auctoritate Gregorii IX. in hoc volu-
mine; tamen reperitur in ipso Concilio, ut jam
notavi in cap. 1. de postul. ubi extat alia pars hujus
textus.
2. (b) *[Procurations villarum.]* Hoc est gubernationes oppidorum, vel Recumpublicarum ci-
vilium administrationes. Concil. Oxoniense tem-
pore Honorii III. cap. 7. *Præsenti decreto sanctius,*
ne clerici beneficiati, aut in sacris ordinibus constituti,
villarum procurations admittant, videlicet ut non
sint seneccalli, aut ballevi talium administrationum,
*occasione quarum laicos in redditibus rationibus obli-
geniunt, si & jurisdictiones exerceant sacerdotes, &c.*
Concilium Londonense habitum anno salutis 1502. apud VVillelmum Malmesburiensem lib. 1.
de gest. Pontif. Angl. ibi: *Ne quilibet clericus sint sacer-
dotalium prepositi, vel procuratores, aut judices san-
guinis.* Hinc a Tribunali Romano rejectus quidam
clericus, quod jurisdictionem pro Comite Flan-
deri exerceisset, de quo Stephanus Tornacensis
cap. 131. *Jurisdictionem civilem usque adrigorem,*
*quam imperium mixtam quidam appellant, sub po-
nitate Comitis Flandrensis procuratorio nomine diu
exercevit; ubi ex officio qualitercumque suscep-
tenebat & innocentes absolvere, & noxiis con-
demnare: neminem tamen, ut ipse confiteatur, ad effu-
sionem sanguinis ore proprio condemnavit, sed confes-
sos, aucti convictos de crimine, Communia Ambianensis,
ad quam judicium sanguinis spectat, secundum quod*
- meruisse reus, judicando exposuit, & plectendos.
Exponit Boëtius Epon. in praesenti, num. 6. Villæ enim plerunque ponuntur pro minoribus civita-
tibus, aut majoribus, ut in cap. ex litteris, verf.
Sic Episcopus, de excess. Prælat. cap. venerabili
fratri, de censibus.
3. (c) *[Iustitiarius.]* Ideo judex, quo modo regu-
lariter accipitur apud Ingulphum, quem refert
Joannes Voissius de vitiis, lib. 3. cap. 17. ibi:
Præfectus provinciarum, quos antea vice Domini
*in duis officiis divisit, id est in judices, quos nunc iu-
stitiarios vocamus;* & in Vicecomites, qui adhuc
idem nomen retinent. Indeque pro judicis munere
ponitur iustitiaria in legibus Siciliis lib. 1. tit. 45.
& 46. apud Matthæum Parisium anno 1188. ibi:
Episcopus Dunelmensis habuit iustitiariam à magno
flumine usque ad Scotorum mare: Vvillelmus
verò Elensis obtinuit iustitiariam à flamine prædicto
ad plagam Australem; quod Hugo Dunelmensis
Episcopus nimis molestè fecerat, tunc primò intelli-
gens, quod Rex illum iustitiarium fecerat, non zelo
iustitia, sed ut pecuniam ab eo extorqueret. Speci-
aliter verò iustitiarius sumitur pro judice cau-
sarum criminalium, in cap. ex litteris 5. de pignor.
ubi iustitiarius appellatur minister Regius, qui
cognovit de quadam delicto: & ex Clement. 1. de
penit. & remiss. ubi postquam Patres Concilii
Viennæ. statuerunt, sacramentum penitentiae
ultimo supplicio damnatis non esse denegandum,
ut fieri confueverat, hæc adjiciunt verba: *Iu-
stitiarios omnes, & Dominos temporales, ut ab his-
modi desistant abusus, in Domino hortamur.* Nota-
vit Glossa in cap. Episcopus, hoc tit. in 6. quo
modo iustitiarium in praesenti exponit Barbola
voto 89. num. 66. Commentarium hujus textus
dedi supra in cap. 2.

C A P U T V.

Idem (a) Cant. Archiep.

Clericis qui in factis ordinibus constituti sunt, ex (b) Toletano Concilio judicium sanguinis agitare non licet. Unde prohibemus, ne aut per se truncationes membrorum faciant, aut judicent inferendas: quod si quis tale quidfecerit, (c) honore privetur, & loco. Jubemus etiam sub intermissione anathematis, ne quis sacerdos officium